

POLYADELPHIA.

MONOGYNIA.

Nota. Ad hanc Classẽ hæsítãbundus refero Genus quoddam valde singulare, nescius, an potiori jure ad Monadelphiam Pentandriam, an etjam ad Gynandriam pertineat.

73. AYENIA. (*Jungia Authoris.*)

I. AYENIA ^{magna} foliis cordatis acuminatis crenatis, germine sessili, nectario concavo.

Facies & magnitudo omnino Sidæ Abutilonis Spec. Pl. 685. 7.

Radix fibrosa, perennis.

Caules erecti, bi-vel tripedales, inferne suffruticosi, teretes, molliter pubescentes: ramulis brevibus, alternis.

Folia alterna, cordata, ferrate crenata, molliter pubescentia. *Petiolus* filiformis, foliorum circ. longitudine, *Stipulis* subulatis, minimis.

Flores axillarum pedunculati in panicula ramorum inæquali, *Pedunculus* communis solitarius vel bini ex ala ab utroque latere prodeuntes, medium axillæ occupante rudimento ramuli, sursum bi-vel trifidi, terminati duobus vel tribus pedicellis: Bracteolæ acutæ ad singulum pedicellum.

Calyx pentaphyllus, patens, leviter reflexus, lanceolatus, acutus, persistens.

Nectarium calyce minus, sessile, campanulato-patens: ore quinquefido: laciniis emarginatis, bifidis, sinibus inter lacinias inflexis; glandula acuta.

Filamenta superius inflexa, dilatata in membranam, transverse oblongam vel reniformem; extus convexa, intra concava. *Antheræ* tres faciles visu (vel 3:loculares), sessiles, suboblongæ.

Germen pilosum, sessile, globosum. *Stylus* filiformis, nectario paulo altior. *Stigma* convexum, capitatum quinque lineis.